

東流縣卷之二十四

安徽池州府東流縣知縣吳簾修

義行傳

明

許山邑之唐豐上鄉人元末兵亂集衆保鄉里陳友諒據江西以山爲土兵帥明太祖西征友諒山率其衆三萬餘以降謝志謂山爲僞漢僉都帥明師下池州山迎戰死蘇志云建邑孔貞運直內閣時抄出皇明實錄云洪武辛丑八月乙巳池州東流縣鄉兵頭目許山降山聚衆三萬餘以捍鄉里至是聞大軍西征遂來降皇明

東流縣志

卷之三十四

義行傳

一

實錄其書今不可見山既降之後未知酬爵土別立功與否亦未知其沒王事死牖下也而邑之人相與立廟祀之鄉僻之處所在多有至今數百年不替且指其保聚之處爲許公砦若壘壘然以爲美談夫既能死而爲神久而不忘是非禦災捍患實有德于斯民固不至此其或爲僞漢死事之臣或爲明室攀龍之士俱可不論也舊志載其祠而缺其傳故採而補之

汪涑字潤寰年十七入郡庠爲人豪俠慷慨歲歉輸粟貸人於貧乏者不責償鄉里德焉晚年居山中爲亂兵所獲脅以刃無所懼以理論諸寇諸寇皆散卒無恙人

皆謂其能以善感人祀忠義祠

金繼爵號仰虹東街人持身端嚴約于弟有法度性尤好善賑施恤貧不吝財所輸恒過其力舉鄉飲賓二次賜壽官祀忠節祠

汪景號仰湖河街人豪俠好義不苟然諾所居近大江夏秋水漲卒遇風客舟不及泊往往覆溺景遇有舟被覆者必往救援全活甚眾禮部給拯溺鴻功額旌之賜壽官年八十卒其婿刺史江大任誌其墓祀忠義祠府志同

羅宣晉陽鄉人生平好施與賜壽官年八十六卒子應

東流縣志

卷之三十四

義行傳

二

中亦以謹厚聞祀忠義祠

歐陽澗字汝亮葛仙人樸實謹厚公正無私萬歷末歲大饑施穀賑濟鄉里之貧無告者居常亦無弗恤也于歲歉也加厚焉里中待澗舉火者甚眾澗皆助之年八十卒祠忠義祠府志同

高擢晉陽鄉人以孝友稱歲飢捐資施賑又嘗周卹貧乏者竭其財無吝色

鄭璽唐豐上鄉人輸粟助邊

鄭玉瑚唐豐上鄉人輸粟助邊

鄒文斌唐豐下鄉人輸粟助邊

金質晉陽鄉人輸粟助邊

金鎬晉陽鄉人輸粟助邊

章士儒輸粟助邊天啟六年劄授文思院大使冠帶

汪成聲字希峯晉陽鄉人言行不苟操履謹篤生平於里閭多任郵壽七十餘卒

國朝

金大俊城內東街人性謹厚好善歲饑捐貲助賑尙義無私多方收殮骸骨善言勸睦鄉鄰順治十三年按院鍾有鳴給額表其門

汪成元字首卿晉陽鄉人幼貧乏不苟取并日而食恬

東流縣志

卷之三十四

義行傳

三

如也事親能得勸心年八十六卒康熙二十八年榮受束帛知縣鄭國印顏其門曰齒德兼優

徐交泰性篤厚好施予生平葺治橋路捐修文廟江亭周郵族黨不遺餘力檀有先喻順吉借其金無所償乃焚其券併給以資有四人同舟溺備棺葬之

饒一棟字東木城內中街人家非素封性樂施予遇飢寒者輒衣食之歲暮郵及囚圉餉以酒食知縣郭維旌其門曰惠及推解人悉榮之

汪潛龍字升仲晉陽鄉人康熙九年歲貢性倜儻有材畧能爲人所不能爲慷慨好施與里黨有乏絕者輒任

卹之尤篤友誼死生不易嘗置田產以給故人子之無依者人方之古任俠云

金日升字旭初城中人國學生生平慷慨好推解康熙三十二年夏旱解囊捐賑全活甚衆知縣郭鴻文請于上官旌其門曰義同麥舟

周光組字受公維新鄉人善治生家饒裕雍正二年移建豐宮捐白金二百兩爲倡雍正十年邑治堂宇傾圯捐金建造乾隆二十年嗣子翼克承其志捐葺豐宮殿廡世濟其美焉

徐鼎儀字孔時平陽鄉人生平和易樸實勤儉起家好東流縣志

卷之三十四

義行傳

四

善樂施于橋梁道路亭舍寺觀凡有裨于地方利及民物者悉獨任之子塋克成其志雍正五年知縣陸培以老農計請官之授八品修職郎

金時玠字周士城內中街人生平好義樂施慷慨尙氣誼當歲飢捐貲助賑不遺餘力雍正十二年知府李暉旌其門曰好善可風并勒其行於石以示獎異

周士信字言可唐豐上鄉浩村人性好善嘗治橋梁修道路解衣推食賑乏卹貧又嘗捐建雙河口渡備船隻僱渡夫置田租爲永久計并修港口渡船路年八十五卒其妻陳氏亦好施予建天然塔于祝家磯并建天然

書院捐置田租以資膏火事聞于官議叙其孫飛鵬除

渾源州吏目

府志同

張之楨字克明號峻庵晉陽鄉人由國學考授州同知品行卓越樂善好施康熙癸酉歲飢捐粟賑濟貧乏郡守李燦旌其門曰惠流東邑子可碧字玉聲國學生授州同知克承先志歲飢助賑邑侯李天柱表以額曰仁人長者父子濟美惠及鄉鄰時皆稱之

倪本旭唐豐上鄉人孝友性成廉直好善凡遇公事慷慨捐施署縣張叔珽顏其門曰品行端方卒年六十九江進字漢若晉陽鄉人居心忠厚正直視躬弟淑附監

東流縣志

卷之三十四

義行傳

五

生字淑人兄弟友愛樂善好施康熙三十二年歲飢捐米百石助賑邑令郭鴻文詳請旌以額曰博愛謂仁

李啟謨字玉烈晉陽鄉人由邑庠入太學授州同知正直謙和樂善不倦康熙三十二年歲飢捐穀助賑郡侯李燦旌以額曰即是謂仁

胡枝茂字茂生晉陽鄉人秉性嚴毅不肯與人爲面從閉戶授徒足跡不履城市遊其門者皆有聲年八十以歲貢終

張自明居心謹厚制行端方康熙十年賑及鄉里署縣宣表其門曰仁讓可風

汪元佐生平輕財好義周給里鄰康熙三十二年知縣郭鴻文勸諭捐粟賑飢不遺餘力一時賴之旌其門曰好義

洪立侯唐豐上鄉人生平卹貧賑乏減價平糶樂善好施不遺餘力嘗捐置梅山嶺許公壇茶田修建黃荆湖橋路又獨建惟善亭於梅山嶺及港口河西等處茶亭每歲暮族鄰貧乏者計口給糧不責償府志同倪有萬唐豐上鄉人為人輕財好施嘗捐貲買棺掩埋枯骨代償韓姓逋債施穀汪姓免其夫婦分離又嘗貲助汪姓婚娶人多遵之

東流縣志

卷之三十四

義行傳

歐陽燧字燧人晉陽鄉人邑庠生康熙三十三年捐穀賑飢知縣郭鴻文表以額曰惠施周急

鄭瑛字漢常唐豐上鄉人為人豪邁篤於閭里康熙四十七年捐建暖水湖石橋修補近橋道路往來便之

徐全泰唐豐上鄉人乾隆九年捐置徐家坂程家壠曹家坂曾家塆等處田四畝為許公祠于大路設茶以濟行人人稱其義

方盛祖唐豐上鄉人為義俠嘗捐助造思湖石橋雍正六年捐貲助修學宮

張明睿晉陽鄉人康熙三十二年歲歉捐米賑飢惠及

間里知縣郭鴻文旌以額曰四民攸賴

張其考字成功睦姻任郵渾厚好義母病不離朝夕與
兄同居無私積歲飢貸粟修治道路設茶以濟道渴者
又嘗贖人鬻子有長者風

王祖京為人正直慷慨好施歲飢捐租以貸鄉隣明季
嘗給劄以旌之並旌以額日行追上左

洪道朗字以明為人好善樂施三值歲歉輒捐米助賑
人多賴之

龐君錫樂善好施康熙三十八年歲歉捐穀助賑官給
實心行惠額四十八年復捐穀賑飢里人賴其存活至

東流縣志 卷之二十四 義行傳

七

今稱之

汪開治字世安家貧事父母能盡孝養康熙六十一年
有婁人潘姓將鬻其妻力資給之雍正五年有江西人
為匠於東流失其金憤欲死開治資之遣之歸人稱其

義府志同

徐漢臣為人好義輕財嘗貸人百金聞其家無可償給
券與之又嘗捐修橋路助建茶亭卒年八十五

陳震泰性慷慨好施予嘗捐貲助賑惠建鄉鄰又捐造
蕭家坂石橋二又修石路以便行人

何紹武字容若唐豐上鄉人雍正甲辰科武舉人生平

剛方正直孝友睦姻足跡不履公庭言行重於閭里嘗侍母病求以身代教子姪以義方一切賑貧卹寡敬宗收族之事無不竭力爲之人高其誼

金兆麟字孔吉城中街人生平持行端方居心廉潔凡公事興舉率爲首倡邑令咸重之無欺無侮尤爲士林所式

歐陽煊康熙二十三年捐粥賑飢二月署府事周疆表

以額曰積厚流光

府志同

章傳誨字子敏居心正直品行端方嘗襄建家祠敬宗收族里黨稱之

東流縣志

卷之三十四

義行傳

八

周冕字飛皇一字首瞻浩邨人性友愛敦姻睦遇人困乏必周之而無德色以歲薦授銅山訓導未及之官而歿

徐時顯唐豐上鄉人爲人孝友然諾不欺制行爲鄉隣推重邑令孫允光給額旌之

歐陽朝嘗分祭產給貧乏之妻父孫愛之授以所積金朔

日翁子幼願翁爲之計也卒不受

府志同

李士俊國子監生事孀母盡孝教弟及子孫有法俱克成立又嘗製絮襖百餘散給貧寒

吳履祥乾隆十七年春米價騰貴減價雜賣接濟貧民

李知春晉陽鄉人生平任俠好施順治十二年捐米賑
飢鄉隣咸賴事聞于官郡守張端午表其門曰善士可
風壽九十六

章美喬晉陽鄉人邑庠生性喜施予遇歉歲減價糶穀
以卹貧乏人稱長者知縣華知縣郭先後表其門曰品
行可風濟衆爲仁壽九十以上舊志

張環歲貢生有文行家無擔儲而周急賑乏不遺餘力

見府志

金元音國學生性肫篤有才幹嘗辨誣獄還遺金凡利
人濟物之事必爭先焉見府志

東流縣志

卷之十四

義行傳

九

何應洞上鄉人性耽書事祖母及母皆以孝聞宗祠歲
久就圯應洞急出資修葺之又惟子弟之失學也爲家
塾以教使無荒又嘗造四子橋涉者得以無苦又嘗捐
資濟人人多德之

監生江應贊爲人謙恭建石修路以利行人散米施粥
以濟飢者人稱其義

江文運邑庠生救貧濟急排難解紛鄉里皆稱公直
洪道哲事母孝處身正周急濟貧戚隣並受其德至今
人稱之孫巨川亦孝友稱學使周顏其門曰孝里流芳
吳聖和字學惠性好善捐修龍山嶺路一段

吳聖通性好善捐大王廟地以爲廟費建亭于栗毛冲以憇行人又嘗修造峯山路

高步元晉陽鄉人年十九補縣學生試軾輒冠軍喜讀尤好施予里人多德之

楊世宗貢生好施予捐修橋路獨造宗祠測里稱焉

盛志顯監生乾隆五十八年捐造縣南通津門外堤壩經營數載用費鉅千其孫時瑞復補築之又於嘉慶二十一年捐建學宮櫺星門人多稱焉

金懋仁附貢生性好善其子必達附學生能承父志嘗於段港河設船建橋以濟涉者爲亭以憇行人并捐田

東流縣志

卷之十四

義行傳

十

地十餘畝爲補葺之資行者德之

府志同

徐堃字士能號柳坡晉陽鄉人納職州同知父鼎儀以好善稱堃能繼其志造南山橋鴛湖橋路徐門首石橋石路修葛公路雙虹橋石路建三官殿像文昌閣神祠亭臺捐田畝修縣治南門外柳堤并葛仙西山段石橋峯山壩路城隍廟前殿及戲樓門墻分造泮宮門坊照墻又造池陽九華門外興濟橋并青雲堤望華菴橋東亭修張溪楊家礮厯山西北兩路竿山路至今行人德之頌稱不衰孫有慶納職州同知亦好善常施棺木湯藥與貧病者嘉慶二年獨建明倫堂修葺魁星閣堃所

造礮路稍有傾圯有慶必爲之修葺焉有慶子家鉉等捐修學宮銀四百兩

王士玉字蔭谷上鄉國子監生性仁厚好施嘗修築長石嘴湖路又修湖內石橋造新塘窪路臨終囑子遇荒務勉力周濟嘉慶十九年歲歉捐銀百兩以濟飢者其子陶璋孫甲翹遵其遺訓

馮聰融晉陽鄉人乾隆五十四年修坡內石路五十七年修白泉坂石路

高之元晉陽鄉中河保人爲人樸寔老成尤善排難解紛重建印綬礮以利行人

東流縣志

卷之三十四

義行傳

七

馮芳字芬如號蘭舉納職州同秉性公直輕財好施獨建大巷口東建往來石路及周家塘路乾隆三十二年其子邑庠生聰臨州吏目聰偉督修菊江亭關帝廟乾隆五十九年其孫附貢生仰文增貢生成監生中克承祖武重修葺之嘉慶十七年捐銀二百餘兩襄建純陽樓於菊江亭右中之母劉氏性淑順相夫助子重修菊江亭二次嘉慶十八年獨建族門首建東往來長橋以利行人並捐地一畝二分取租以爲經理之費凡遇貧苦無業者給錢施棺稱量與之人多戴其德焉
洪宗山附貢生樂善好施修建青峯亭移造旋洋閣有

負其金而不能償者焚其券貧不能婚娶者助其貲子日升監生亦好善倡建安貞石橋以利往來

張廷列監生性好善捐建蕭家壩礮路茅嶺以北葉家以西橫直路十數里其子監生映川貢生銘心亦樂施嘉慶三年採石築石保東大路自洪峽塘至湖坦保近十餘里

張萬春捐建藍礮其後裔任弋陽尉纓任通州判廉德邑庠其吉世錫美道重葺之乾隆五十五年礮因水激將圯國侃其礮捐修礮東石路嘉慶十六年橋圯美錫美照等重修

東流縣志

卷之三十四

義行傳

七

王挺秀邑庠生乾隆十三年承領社長開放積穀歲歉穀不支鬻產以補之知縣郭顏其門曰品端行謹

周世拔貢生性好善乾隆三十八年修理林家具太平橋乾隆四十三年修建桃花山園石礮

高文通生員好善樂施各憲俱以額顏其門

王維翰附監生有孝行又嘗修栗子山路以利人行李日彩性好善有張萃林鬻其子日彩憐之助金贖回又嘗修奶奶橋卒年九十一

洪日赤國子監生晉陽鄉人樸寔謹厚樂善好施倡修青峯嶺羅漢塘浪蕩灣崎嶇路解囊助婚娶平糶米以

救荒里人多德之

馮儼好施予捐建晉陽鄉香木潭大石路約八里許

吳敦川貢生好義周卹里人恒過其力嘗修鐵爐口大路

章維綱監生好施予倡建文孝廟團山廟時周族人族人德之

周三綱貢生性好善嘗建樂安亭妻金氏亦好施乾隆五十年大荒三綱施粥救飢金氏實贊成之子振柱振拔孫新洛嘉慶十八年重修天然塔二十一年捐修學宮銀五百兩今屆修志亦竭力捐輸

東流縣志

卷之三十四

義行傳

三

職員余大榜屆修學宮捐大木八株石礫石條石板各數事子貢生俊等復捐銀二百兩

金城字捷三候選刑部司獄輕財好義造港通濟橋稠林磯惠安亭東門迎龍亭拖船壩渡乾隆二十四年代完貧民積欠五十餘金又買麗山門外山地造秀峰塔建學舍數十楹置田四十六畝

府志同

江楫邑增生晉陽鄉人性孝友好施當歲歉施稻梁以濟族里又好學讀書手自抄校至老不倦壽九十三終汪臨泰邑庠生維新鄉人秉心正直樂善好施歲歉買穀以周族人貸資與貧者不取其息鄉里稱焉

陳啟沃監生城內人好善樂施遇公事趨先恐後見危
急者若急之在已周濟恒過其力里黨稱之

朱鴻貢生上鄉人性慈愛慷慨好義族里式之

彭之楨輕財好施族人發元幼失怙恃無所依之楨助
之并爲之畢婚娶

余大成監生捐建汪家埠石橋歲歉以衣錢惠窮人

劉夢熊監生性好善獨建黃林石橋三座並修埧埂以
濟行人

劉我飛好施予尤善睦族族有無力讀書應試者常資
助之同里郭志淮素業儒家貧欲遷業我飛助以何家

東流縣志

卷之三十四

義行傳

十四

冲田租三十石並給以契志淮有所資乃克終儒業焉
張之穆建龍泉礮大石礮嘉慶十年礮壞其後裔重修
之

張翔開挖白石溝水通貴池大河

王士璧急公樂施與附生王恩浩監生王陶璋王士模
王載春捐建泮宮石礮

葉文謨字禹言下鄉人素行端方存心好善凡遇公事
趨先恐後

生員方浩然素行端方敦倫孝友凡遇關津渡口修礮
補路無不爭先恐後鄉間共稱之

方浩儒附貢生生平好施予遇歲歉捐米散給貧乏歲終借貸不能償者檢券給還死之日聞者莫不涕流貢生洪聯魁上鄉人立侯子也好義樂施有立侯風焉侯抱養高氏之子最鍾愛後析爨聯魁能將田房均于異姓之弟約二千餘金至今族黨交口稱之

張正灝晉陽鄉人乾隆五十五年孫男儒達四維均入泮爰謁 崇聖殿時陸學師因殿未落成詔以丹雘鋪石階級遂倡捐錢二百二十千並衆姓捐輸名會勒於石焉

監生朱殿光下鄉人爲人敦倫飭紀重道尊師凡有所施了無德色又附近觀音寺曾倡捐修之

東流縣志

卷之二十四

義行傳

五

河應灤上鄉人性好善鄉 九置立鄭家冲田三畝五分地一畝五分以爲家塾延師教讀

監生何政字清文上鄉人處世謙和輕財好義遇公事必竭力盡心嘗於傳薪官洲栽培一切閭邑咸稱善焉程士榮晉陽鄉人性和厚好施予遇礮渡廟宇圯亭無不竭力倡修遇貧弱者恒矜恤之鄉里至今稱之

東流縣志卷之二十四